



2025/1877

18.9.2025

CINNEADH CUR CHUN FEIDHME (AE) 2025/1877 ÓN gCOIMISIÚN

an 16 Meán Fómhair 2025

maidir le himréiteach na gcuntas de chuid gníomhaireachtaí íocaíochta san Iodáil agus sa tSlóvaic a bhaineann le caiteachas arna mhaoiniú leis an gan Ciste Eorpach Talmhaíochta um Fhorbairt Tuaithe (CETFT) le haghaidh na bliana airgeadais 2020

(tugadh fógra faoi leis an doiciméad C(2025) 6218)

(Is iad na téacsanna Iodáilise agus Slóvaicise amháin atá barántúil)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2021/2116 ó Pharlaimint na hEorpa agus ón gComhairle an 2 Nollaig 2021 maidir leis an gcomhbheartas talmhaíochta a mhaoiniú, a bhainistiú agus faireachán a dhéanamh air agus lena n-aisghairtear Rialachán (AE) Uimh. 1306/2013 ⁽¹⁾, agus go háirithe Airteagal 104 de,

Ag féachaint do Rialachán (AE) Uimh. 1306/2013 ó Pharlaimint na hEorpa agus ón gComhairle an 17 Nollaig 2013 maidir leis an gcomhbheartas talmhaíochta a mhaoiniú, a bhainistiú agus faireachán a dhéanamh air agus lena n-aisghairtear Rialachán (CEE) Uimh. 352/78, (CE) Uimh. 165/94, (CE) Uimh. 2799/98, (CE) Uimh. 814/2000, (CE) Uimh. 1290/2005 agus (CE) Uimh. 485/2008 ón gComhairle ⁽²⁾, agus go háirithe Airteagal 51 de,

Tar éis dó dul i gcomhairle leis an gCoiste um na Cistí Talmhaíochta

De bharr an mhéid seo a leanas:

- (1) Le hAirteagal 104(1), an dara fomhír, pointe (a), de Rialachán (AE) 2021/2116, foráiltear go leanfaidh Airteagal 4(1), pointe (b), Airteagal 5, Airteagal 7(3), Airteagail 9, 17, 21 agus 34, Airteagal 35(4), Airteagail 36, 37, 38, 40 go 43, 51, 52, 54, 56, 59, 63, 64, 67, 68, 70 go 75, 77, 91 go 97, 99 agus 100, Airteagal 102(2) agus Airteagail 110 agus 111 de Rialachán (AE) Uimh. 1306/2013 d'fheidhm a bheith acu, a mhéid a bhaineann leis an gCiste Eorpach Talmhaíochta um Fhorbairt Tuaithe (CETFT), i ndáil le caiteachas arna thabhu ag na tairbhíthe agus íocaíochtaí arna ndéanamh ag an ngníomhaireacht íocaíochta faoi chuimsiú chur chun feidhme na gclár forbartha tuaithe de bhun Rialachán (AE) Uimh. 1305/2013 ó Pharlaimint na hEorpa agus ón gComhairle ⁽³⁾ le haghaidh na bliana airgeadais 2020.
- (2) Le hAirteagal 64, an dara mír, pointe (a), de Rialachán Cur Chun Feidhme (AE) 2022/128 ón gCoimisiún ⁽⁴⁾, foráiltear go leanfaidh Airteagal 2, Airteagal 3(1), an chéad fhomhír, Airteagal 3(2), Airteagal 4(1), pointe (b), Airteagail 5, 6 agus 7, Airteagail 21 go 25, Airteagail 27, 28 agus 29, Airteagal 30(1), pointí (a), (b) agus (c), Airteagal 30(2), (3) agus (4), agus Airteagail 31 go 40 de Rialachán Cur Chun Feidhme (AE) Uimh. 908/2014 ón gCoimisiún ⁽⁵⁾ d'fheidhm a bheith acu, a mhéid a bhaineann le CETFT, i ndáil le caiteachas arna thabhu ag na tairbhíthe agus íocaíochtaí arna ndéanamh ag an ngníomhaireacht íocaíochta faoi chuimsiú chur chun feidhme na gclár forbartha tuaithe de bhun Rialachán (AE) Uimh. 1305/2013 le haghaidh na bliana airgeadais 2020.

⁽¹⁾ IO L 435, 6.12.2021, lch. 187, ELI: <http://data.europa.eu/eli/reg/2021/2116/oj>.

⁽²⁾ IO L 347, 20.12.2013, lch. 549, ELI: <http://data.europa.eu/eli/reg/2013/1306/oj>.

⁽³⁾ Rialachán (AE) Uimh. 1305/2013 ó Pharlaimint na hEorpa agus ón gComhairle an 17 Nollaig 2013 maidir le tacaíocht d'fhorbairt tuaithe ón gCiste Eorpach Talmhaíochta um Fhorbairt Tuaithe (CETFT) agus lena n-aisghairtear Rialachán (CE) Uimh. 1698/2005 ón gComhairle (IO L 347, 20.12.2013, lch. 487, ELI: <http://data.europa.eu/eli/reg/2013/1305/oj>).

⁽⁴⁾ Rialachán Cur Chun Feidhme (AE) 2022/128 ón gCoimisiún an 21 Nollaig 2021 lena leagtar síos rialacha maidir le cur i bhfeidhm Rialachán (AE) 2021/2116 ó Pharlaimint na hEorpa agus ón gComhairle maidir le gníomhaireachtaí íocaíochta agus comhlachtaí eile, bainistíocht airgeadais, imréiteach cuntas, seiceálacha, urrúis agus trédhearcacht (IO L 20, 31.1.2022, lch. 131, ELI: http://data.europa.eu/eli/reg_impl/2022/128/oj).

⁽⁵⁾ Rialachán Cur Chun Feidhme (AE) Uimh. 908/2014 ón gCoimisiún an 6 Lúnasa 2014 lena leagtar síos rialacha maidir le cur i bhfeidhm Rialachán (AE) Uimh. 1306/2013 ó Pharlaimint na hEorpa agus ón gComhairle a mhéid a bhaineann le gníomhaireachtaí íocaíochta agus comhlachtaí eile, bainistíocht airgeadais, imréiteach cuntas, rialacha maidir le seiceálacha, urrúis agus trédhearcacht (IO L 255, 28.8.2014, lch. 59, ELI: http://data.europa.eu/eli/reg_impl/2014/908/oj).

- (3) Le hAirteagal 64, an dara mír, pointe (c), de Rialachán Cur Chun Feidhme (AE) 2022/128, foráiltear go leanfaidh Iarscríbhinní II agus III a ghabhann le Rialachán Cur Chun Feidhme (AE) Uimh. 908/2014 d'fheidhm a bheith acu chun críocha Airteagal 32, pointí (f) agus (g), de Rialachán Cur Chun Feidhme (AE) 2022/128 le haghaidh na bliana airgeadais 2020.
- (4) Le Cinneadh Cur Chun Feidhme (AE) 2021/873 ón gCoimisiún ⁽⁶⁾, imréitíodh cuntais ghníomhaireachtaí íocaíochta na mBallstát a bhaineann le caiteachas arna mhaoiniú ag an gCiste Eorpach Talmhaíochta um Fhorbairt Tuaithe (CETFT) le haghaidh na bliana airgeadais 2020, cé is moite de na gníomhaireachtaí íocaíochta 'Agenzia della Regione Calabria per le Erogazioni in Agricoltura' agus 'Pôdohospodárska platobná agentúra'.
- (5) Tar éis tarchur faisnéise nua, agus tar éis seiceálacha breise, is féidir leis an gCoimisiún cinneadh a dhéanamh maidir le hiomláine, cruinneas agus fírinneacht na gcuntas a chuir an ghníomhaireacht íocaíochta Iodálach 'Agenzia della Regione Calabria per le Erogazioni in Agricoltura' agus an ghníomhaireacht íocaíochta Slóvacach 'Pôdohospodárska platobná agentúra' isteach a mhéid a bhaineann leis an gcaiteachas arna mhaoiniú ag CETFT le haghaidh na bliana airgeadais 2020.
- (6) Le hAirteagal 33(2), an dara fómhír, de Rialachán Cur Chun Feidhme (AE) Uimh. 908/2014, maidir leis na méideanna is in-aisghabhála ó gach Ballstát nó na méideanna is iníoctha le gach Ballstát, i gcomhréir leis an gcinneadh maidir le himréiteach cuntas dá dtagraítear in Airteagal 33(1) den Rialachán Cur Chun Feidhme sin, foráiltear go bhfuil siad le leagan síos trí na híocaíochtaí eatramhacha le haghaidh na bliana airgeadais lena mbaineann a asbhaint ón gcaiteachas a aithnítear le haghaidh na bliana sin i gcomhréir leis an Airteagal 33(1) sin. Le hAirteagal 33(2), an tríú fómhír den Rialachán Cur Chun Feidhme sin, foráiltear go bhfuil an Coimisiún leis an méid sin a asbhaint ón gcéad íocaíocht eatramhach eile nó an méid sin a chur léi.
- (7) De bhun Airteagal 54(2) de Rialachán (AE) Uimh. 1306/2013, tá an Ballstát lena mbaineann le 50 % de na hiarmhairtí airgeadais a eascraíonn as neamh-aisghabháil neamhrialtachtaí a sheasamh, mura ndearnadh an aisghabháil laistigh de 4 bliana ó dháta na hiarrata ar aisghabháil, nó laistigh de 8 mbliana i gcás ina dtugtar an aisghabháil os comhair na gcúirteanna náisiúnta. Le hAirteagal 54(4) de Rialachán (AE) Uimh. 1306/2013, ceanglaítear ar na Ballstáit tábla a chur i gceangal leis na cuntais bhliantúla atá le cur bhráid an Choimisiúin acu, de bhun Airteagal 29 de Rialachán Cur Chun Feidhme (AE) Uimh. 908/2014, ar tábla deimhnithe é lena léirítear na méideanna atá le seasamh acu faoi Airteagal 54(2) de Rialachán (AE) Uimh. 1306/2013. Rialacha maidir le cur i bhfeidhm oibleagáid na mBallstát chun na méideanna atá le haisghabháil a thuairisciú, leagtar síos i Rialachán Cur Chun Feidhme (AE) Uimh. 908/2014 iad. Le hIarscríbhinn II a ghabhann le Rialachán Cur Chun Feidhme (AE) Uimh. 908/2014, leagtar amach an tsamhail den tábla atá le húsáid ag na Ballstáit chun faisnéis a sholáthar faoi na méideanna atá le haisghabháil. Ar bhonn na dtáblaí a líonann na Ballstáit isteach, tá an Coimisiún le cinneadh a dhéanamh maidir leis na hiarmhairtí airgeadais a eascraíonn as neamh-aisghabháil neamhrialtachtaí atá níos sine ná 4 nó 8 mbliana faoi seach.
- (8) De bhun Airteagal 54(3) de Rialachán (AE) Uimh. 1306/2013, féadfaidh na Ballstáit, ar chúiseanna cuí-réasúnaithe, a chinneadh gan iarracht a dhéanamh aisghabháil a dhéanamh. Ní féidir cinneadh den sórt sin a dhéanamh ach amháin más mó na costais a tabhaíodh cheana in éineacht leis na costais is dócha a thabhófar, ná an méid atá le haisghabháil, nó má tá an aisghabháil dodhéanta mar gheall ar dhócmhainneacht an fhéichiúnaí nó na ndaoine a bhfuil freagracht dhlíthiúil orthu as an neamhrialtacht, ar dócmhainneacht í a cláraíodh agus a aithníodh faoin dlí náisiúnta. Má dhéantar an cinneadh laistigh de 4 bliana ó dháta na hiarrata ar aisghabháil, nó laistigh de 8 mbliana i gcás ina dtugtar an aisghabháil os comhair na gcúirteanna náisiúnta, ba cheart 100 % de na hiarmhairtí airgeadais a eascraíonn as an neamh-aisghabháil a íoc as buiséad an Aontais. Tá na méideanna ar chinn Ballstát ar leith gan iarracht a dhéanamh iad a aisghabháil agus an foras lena chinneadh le cur sa tuarascáil achomair dá dtagraítear in Airteagal 54(4) den Rialachán sin. Dá bhrí sin, níor cheart na méideanna sin a ghearradh ar na Ballstáit lena mbaineann agus mar gheall air sin, tá siad le híoc as buiséad an Aontais.
- (9) I gcomhréir le hAirteagal 75(1), an ceathrú fómhír, de Rialachán (AE) Uimh. 1306/2013, tá feidhm ón mbliain éilimh 2019 ag na rialacha maidir le sprioc-amanna íocaíochta le haghaidh bearta faoin bhforbairt tuaithe i gcomhthéacs an chóras chomhtháite riaracháin agus rialúcháin. Leis na lagduithe le haghaidh neamhchomhlíonadh na sprioc-amanna íocaíochta is déanaí, arna ríomh i gcomhréir le hAirteagal 5a de Rialachán Tarmilgthe (AE) Uimh. 907/2014, cloítear leis an nós imeachta a leagtar síos in Airteagail 40 agus 41 de Rialachán (AE) Uimh. 1306/2013 agus tá siad le cur san áireamh sa Chinneadh seo le haghaidh na bliana airgeadais 2020. Féadfar scrúdú a dhéanamh ar na lagduithe sin, i gcás inarb iomchuí, faoi imeachtaí imréitigh comhréireachta de bhun Airteagal 52 de Rialachán (AE) Uimh. 1306/2013.

⁽⁶⁾ Cinneadh Cur Chun Feidhme (AE) 2021/873 ón gCoimisiún an 28 Bealtaine 2021 maidir le himréiteach chuntais ghníomhaireachtaí íocaíochta na mBallstát a bhaineann le caiteachas arna mhaoiniú leis an gCiste Eorpach Talmhaíochta um Fhorbairt Tuaithe (CETFT) le haghaidh na bliana airgeadais 2020, (IO L 191, 31.5.2021, lch. 27, ELI: http://data.europa.eu/eli/dec_impl/2021/873/oj).

- (10) I gcomhréir le hAirteagal 83 de Rialachán (AE) Uimh. 1303/2013 ó Pharlaimint na hEorpa agus ón gComhairle (⁽⁷⁾), féadfar an sprioc-am le haghaidh íocaíochtaí eatramhacha dá dtagraítear in Airteagal 36(5) de Rialachán (AE) Uimh. 1306/2013 a bhriseadh ar feadh tréimhse 6 mhí ar a mhéad chun fíoruithe breise a dhéanamh tar éis faisnéis a fháil go bhfuil baint ag na híocaíochtaí sin le neamhrialtacht lena ngabhann iarmhairtí tromchúiseacha airgeadais. Agus an Cinneadh seo á ghlacadh, ba cheart don Choimisiún na méideanna a ndéanann an briseadh sin difear dóibh a chur san áireamh chun aon íocaíocht mhíchuí nó mhíthráthúil a sheachaint.
- (11) De bhun Airteagal 41 de Rialachán (AE) Uimh. 1306/2013, rinne an Coimisiún roinnt íocaíochtaí eatramhacha le haghaidh na bliana airgeadais 2020 a laghdú nó a chur ar fionraí cheana mar gheall ar chaiteachas nach ndearnadh i gcomhréir le rialacha an Aontais. Sa Chinneadh seo, ba cheart don Choimisiún na méideanna sin a laghdaíodh nó a cuireadh ar fionraí a chur san áireamh ar bhonn Airteagal 41 den Rialachán sin, chun aon íocaíocht nó aisíocaíocht mhíchuí nó mhíthráthúil a sheachaint, ar íocaíochtaí nó aisíocaíochtaí iad a d'fhéadfadh a bheith faoi réir ceartú airgeadais níos déanaí.
- (12) Ba cheart a chur san áireamh leis an gCinneadh seo freisin na méideanna atá fós le gearradh ar na Ballstáit de thoradh chur i bhfeidhm Airteagal 54(2) de Rialachán (AE) Uimh. 1306/2013 i ndáil leis an gclárthréimhse 2007-2013 le haghaidh CETFT.
- (13) I gcomhréir le hAirteagal 51 de Rialachán (AE) Uimh. 1306/2013, ba cheart an Cinneadh seo a bheith gan dochar do na cinntí a d'fhéadfadh an Coimisiún a dhéanamh ina dhiaidh seo chun caiteachas nach ndéantar i gcomhréir le rialacha an Aontais a eisiamh ó mhaoiniú ón Aontas,

TAR ÉIS AN CINNEADH SEO A GHLACADH:

Airteagal 1

Imréitítear leis seo cuntais na gníomhaireachta íocaíochta Iodálaigh 'Agenzia della Regione Calabria per le Erogazioni in Agricoltura' agus na gníomhaireachta íocaíochta Slóvaigh 'Pôdohospodárska platobná agentúra' a mhéid a bhaineann le caiteachas arna mhaoiniú leis an gCiste Eorpach Talmhaíochta um Fhorbairt Tuaithe (CETFT) i leith na bliana airgeadais 2020 agus a bhaineann le clárthréimhse 2014-2022.

Leagtar amach in Iarscríbhinn I na méideanna is in-aisghabhála ón Iodáil agus ón tSlóvaic nó is iníoctha leo faoi gach clár forbartha tuaithe de bhun an Chinnidh seo.

Airteagal 2

Leagtar amach in Iarscríbhinn II a ghabhann leis an gCinneadh seo na méideanna atá le gearradh ar an Iodáil agus ar an tSlóvaic, de thoradh chur i bhfeidhm Airteagal 54(2) de Rialachán (AE) Uimh. 1306/2013 a bhaineann le clárthréimhse 2014-2022 agus leis an gclárthréimhse 2007-2013 le haghaidh CETFT.

Airteagal 3

Leagtar amach in Iarscríbhinn III a ghabhann leis an gCinneadh seo na laghduithe le haghaidh neamhchomhlíonadh na sprioc-amanna íocaíochta is déanaí i gcomhréir le hAirteagal 75(1) de Rialachán (AE) Uimh. 1306/2013 faoi gach clár forbartha tuaithe.

(⁽⁷⁾) Rialachán (AE) Uimh. 1303/2013 ó Pharlaimint na hEorpa agus ón gComhairle an 17 Nollaig 2013 lena leagtar síos forálacha coiteanna maidir le Ciste Forbraíochta Réigiúnaí na hEorpa, le Ciste Sóisialta na hEorpa, leis an gCiste Comhtháthaithe, leis an gCiste Eorpach Talmhaíochta um Fhorbairt Tuaithe agus leis an gCiste Eorpach Muirí agus Iascaigh agus lena leagtar síos forálacha ginearálta maidir le Ciste Forbraíochta Réigiúnaí na hEorpa, le Ciste Sóisialta na hEorpa, leis an gCiste Comhtháthaithe agus leis an gCiste Eorpach Muirí agus Iascaigh agus lena n-aisghairtear Rialachán (CE) Uimh. 1083/2006 ón gComhairle (IO L 347, 20.12.2013, lch. 320, ELI: <http://data.europa.eu/eli/reg/2013/1303/oj>).

Airteagal 4

Tá an Cinneadh seo gan dochar do chinntí a dhéanfaidh an Coimisiún amach anseo maidir le himréiteach comhréireachta, ar cinntí iad a d'fhéadfadh an Coimisiún a dhéanamh de bhun Airteagal 52 de Rialachán (AE) Uimh. 1306/2013 chun caiteachas nach ndéantar i gcomhréir le rialacha an Aontais a eisiamh ó mhaoiniú ón Aontas.

Airteagal 5

Is chuig Poblacht na hIodáile agus chuig Poblacht na Slóvaice a dhírítear an Cinneadh seo.

Arna dhéanamh sa Bhruiséil, an 16 Mean Fómhair 2025.

Thar ceann an Choimisiúin
Christophe HANSEN
Comhalta den Choimisiún

IARSCRÍBHINN I

Caiteachas imréitithe CETFT de réir an chláir Forbartha Tuaithe le haghaidh na bliana airgeadais 2020

An méid atá le haisghabháil ón mBallstát nó atá le híoc leis in aghaidh an chláir

Cláir fhormheasta ag a bhfuil caiteachas a dearbhaíodh le haghaidh CETFT 2014-2020

In Euro

Ballstát	CCI	Caiteachas 2020	Ceartúcháin	Iomlán	Méideanna neamh-in-athúsáidte	An méid ar glacadh leis agus a imreítíodh le haghaidh na bliana airgeadais 2020	Íocaíochtaí eatramhacha a aisíocadh leis an mBallstát le haghaidh na bliana airgeadais	An méid atá le haisghabháil ón mBallstát (-) nó atá le híoc leis (+)
		i	ii	iii = i + ii	iv	v = iii - iv	vi	
IT	2014IT06RDRP018	83 918 828,37	0,00	83 918 828,37	0,00	83 918 828,37	83 918 825,84	2,53
SK	2014SK06RDNP001	200 173 842,36	- 6 471 887,46	193 701 954,90	0,00	193 701 954,90	193 702 020,68	- 65,78

IARSCRÍBHINN II

Imréiteach chuntais na nGníomhaireachtaí Íocaíochta

Bliain airgeadais 2020 - CETFT

Ceartúcháin de réir Airteagal 54(2) de Rialachán (AE) Uimh. 1306/2013

Ballstát	Airgeadra	Ceartúcháin a Bhaineann le Clárthréimhse 2014-2020		Ceartúcháin a Bhaineann le Clárthréimhse 2007-2013	
		San Airgeadra náisiúnta	In Euro	San Airgeadra náisiúnta	In Euro
IT	EUR	0,00	0,00	0,00	713 297,46
SK	EUR	0,00	0,00	0,00	540 117,61

IARSCRÍBHINN III

Imréiteach chuntais na nGníomhaireachtaí Íocaíochta

Bliain airgeadais 2020 - CETFT

Laghduithe mar gheall ar sprioc-amanna íocaíochta in aghaidh an chláir Forbartha Tuaithe le haghaidh na bliana airgeadais 2020 i gcomhréir le hAirteagal 75(1) de Rialachán (AE) Uimh. 1306/2013

In Euro

Ballstát	CCI	Laghduithe mar gheall ar neamhchomhlíonadh na sprioc-amanna is déanaí le haghaidh na bliana airgeadais 2020
IT	2014IT06RDRP018	0,00
SK	2014SK06RDNP001	0,00